

四庫

全書

四庫全書

全書

第五四六册

四庫全書

●上海古籍出版社

本冊目次

山西通志(五)

清
儲大文等編纂
覺羅石麟等監修
……一

欽定四庫全書

史部
山西通志卷一百十五

欽定四庫全書

山西通志卷一百十五

人物十五

大同府

周

代成君趙簡子孫伯魯子也伯魯故太子早卒趙襄子

殺代王遂以代封伯魯子周為代成君襄子為伯魯

之不立也不肯立子必欲傳位於代成君成君先卒

欽定四庫全書

山西通志
卷一百十五

乃取其子浣立為太子襄子卒浣立是為獻侯

漢

詳校官給事中臣王鍾健
檢討臣德生覆勘

馮唐其先趙人父徙代又徙安陵唐以孝著為郎中中

郎署長文帝輦過問曰吾居代時尚食監高祛數為

我言趙將李齊之賢戰於鉅鹿下吾每飲食意未嘗

不在鉅鹿也父老知之乎唐對曰齊尚不如廉頗李

牧之為將也上拊髀曰嗟乎吾獨不得廉頗李牧為

將豈憂寇哉唐曰主臣陛下雖有廉頗李牧不能用

總校官進士臣朱鉉

校對官學正臣常倫

膳錄監生臣舒秀岐

也上怒起入禁中良久召唐讓之唐謝曰鄙人不知忌諱當是時寇新大入朝那殺北地都尉昂上以寇為意乃卒復問曰公何以言吾不能用頗牧也唐對曰臣聞上古王者遣將跪而推轂曰闔以內寡人制之闔以外將軍制之軍功爵賞皆決於外歸而奏之此非空言也臣大父言李牧之為趙將居邊軍市之租皆自用饗士賞賜決於外不從中覆委任而責成功故李牧乃得盡其智能選車千三百乘殺騎萬三千匹百金之士十萬是以北逐單于破東胡滅澹林西抑強秦南支韓魏當是時趙幾伯後會趙王遷立其母倡也用郭開讒而誅李牧令顏聚代之是以為秦所滅今臣竊聞魏尚為雲中守軍租盡以給士卒出私養錢五日一殺牛以饗賓客軍吏舍人是以寇遠避不近雲中之塞嘗一入邊尚帥車騎擊之所殺甚衆夫士卒盡家人子起田中從軍安知尺籍伍符終日力戰斬首捕虜上功幕府一言不相應文吏以

法繩之其實不行吏奉法必用愚以為法太明賞太輕罰太重且雲中守尚坐上功首虜差六級而下之吏削其爵罰作之由此言之陛下雖得廉頗李牧不能用也文帝說是日令唐持節赦魏尚復以為雲中守而拜唐為車騎都尉景帝立為楚相武帝求賢良舉唐時年九十餘乃以子遂為郎遂字王孫亦奇士李沮雲中人事景帝武帝十七歲以左內史為彊弩將軍軍後一歲復為彊弩將軍

郭昌雲中人以校尉從大將軍元封四年以大中大夫為拔胡將軍屯朔方

趙綰代人嘗受詩申公為御史大夫與蘭陵王臧請立明堂以朝諸侯不能就其事乃言其師申公武帝使使東帛加璧安車駟馬迎申公至以為大中大夫舍魯邸議明堂事竇太后喜老子言不悅儒術得綰臧之過以讓上上因廢明堂事下綰臧吏皆自殺

程緒代郡人為幽州牧劉虞從事初平四年冬虞自率

諸屯兵衆合十萬人以攻公孫瓚將行緒免胄而前曰公孫瓚雖有過惡而罪名未正明公不先告曉使得改行而兵起蕭牆非國之利加勝敗難保不如駐兵以武臨之瓚必悔禍謝罪所謂不戰而服人者也虞以緒臨事沮議遂斬之

韓珩字子佩代郡人清粹有雅量少喪父母奉養兄弟宗族稱孝弟焉為幽州別駕袁氏將焦觸驅率諸郡太守令長背袁向曹盟曰違命者斬衆以次歃珩曰

欽定四庫全書

山海經

卷一百十五

吾受袁公父子厚恩今其破亡智不能救勇不能死於義闕矣若乃北面于曹氏所弗能為也一坐失色觸曰事之濟否不待一人可卒珩志以勵事君魏武亦高其節屢辟不至卒於家

元魏

衛操字德元代人少通俠有才畧晉征北將軍衛瑾以為牙門將當神元時頗自結附後說桓穆二帝招納晉人桓帝以為輔相任以國事及劉石之亂桓帝臣

助晉氏操稍遷至右將軍封定襄侯穆帝三年卒

賀訥代人魏道武皇帝之舅獻明后之兄也祖統尚平文女父野干尚昭成女遼西公主昭成諸部紛擾獻明后與道武及衛秦二王依訥會符堅使劉庫仁分攝國事道武還居獨孤訥總東部為大人遷居大甯行其恩信衆多歸之倖於庫仁符堅假訥鷹揚將軍劉顯之難道武輕騎歸訥訥驚拜曰官家復國當念老臣帝笑答曰誠如舅言要不忘也後與諸大人勸

欽定四庫全書

山海經

卷一百十五

進道武登代王位於牛川從平中原拜安遠將軍以元舅甚見尊重然無統領以壽終於家

賀悅訥從弟道武居賀蘭部下人情未甚附惟悅舉部隨從又密為帝祈禱天神請成大業出於誠至帝嘉之甚見寵待後平中原以功賜爵鉅鹿侯進爵北新公卒子泥襲降肥如侯清河之變泥出舉烽於安陽城北賀蘭部人皆往赴之明元即位乃罷與元渾等八人拾遺左右與安同行并定二州州郡肅然後從

征赫連昌以功進爵琅瑯公軍國大議每參預焉征蠕蠕為別道將坐逐賊不進贖為庶人拜光祿勳為外都大官復爵卒子醜建襲

長孫嵩代人父仁昭成時為南部大人嵩寬雅有器度昭成賜名焉年十四代父統事昭成末劉庫仁攝國事嵩率部眾歸之劉顯謀難嵩率舊人及庶師七百餘家棄顯走將至五原于烏渥勒歸道武見道武於三漢亭為南部大人累著軍功後從征中山除冀州

欽定四庫全書

山西通志
卷一百十五

六

刺史賜爵鉅鹿公歷侍中司徒相州刺史封南平公所在著稱明元初與山陽侯奚斤北新侯安同白馬侯崔宏等八人坐止車門右聽理萬幾世號八公宋武帝伐姚泓明元假嵩節督山東諸軍事傳詣平原綠河北岸列軍次於畔城軍頗失利詔假宋武道士於舟中望嵩麾蓋遣以鄣酒及江南食物嵩皆送京師詔厚答之又敕簡精兵為戰備嵩與叔孫建等自成臯南濟晉諸屯戍皆望塵奔潰會宋武克長安

乃班師明元末問後事於嵩嵩曰立長則順以德則人服今皇長子賢而世嫡天所命也請立之乃定策

詔太武臨朝監國嵩為左輔太武即位進爵北平王司州中正議征屈丐嵩固諫不可帝責之尋遷太尉加柱國大將軍自是輦駕征伐嵩以元老多留鎮京師坐朝堂平斷刑獄卒年八十諡曰宣王孝文時配饗廟庭子頽善騎射擊弓三百斤襲爵加侍中征南大將軍有罪黜為兵復爵卒諡曰安子敦字孝友位北鎮都將降公孝文時復王爵卒諡曰簡子道字念僧襲爵例降公位左衛將軍卒諡慎子悅襲建義初復王爵尋降公位光祿少卿卒

欽定四庫全書

山西通志
卷一百十五

七

庾業延代人賜名岳其父及兄和辰世典畜牧稍轉中部大人收斂畜產富擬國君劉顯之變道武外幸和辰奉獻明太后歸道武又得其資用以和辰為內侍長岳恭慎脩謹善處危難之間道武嘉之為外朝大人參預軍國從平中原拜安遠將軍詔岳討破離石

胡帥呼延鐵西河胡帥張崇等以功賜爵西昌公遷
鄴行臺岳為將有謀畧士衆服其智勇名冠諸將及
罷鄴行臺以所統六郡置相州即拜岳為刺史東法
平當百姓稱之鄴舊有園池時果初熟吏送之岳不
受曰果未進御吾何得先食其謹如此遷司空以候
官誣告誅時人咸免惜焉岳葬在代西善無界後太
武征赫連氏經其墓詔為立廟求子孫任為帥者得
其子陵從征有功聽襲爵

欽定四庫全書

山西通志
卷一百十五

奚斤代人世為馬牧父輩嘗以取騶騶馬傷國甥劉庫
仁一乳及苻堅使庫仁與衛辰分領國部輩懼奔衛
辰及道武滅衛辰輩晚乃得歸故名位後於舊臣後
以斤貴贈長寧子斤機辨有識度登國初統禁兵後
為侍郎從征慕容寶於參合皇始初拜越騎校尉典
宿衛博陵渤海章武並起斤與元遵等討平之從破
高車及庫狄者連部徙其別部於塞南又進擊侯莫
陳部至太娥谷置戍而還遷都水使者出為晉兵將

欽定四庫全書

山西通志
卷一百十五

軍幽州刺史賜爵山陽侯明元時為鄭兵將軍明元
幸雲中斤留守京師昌黎王慕容伯兒不軌召入天
安殿東廡下誅之詔與長孫嵩等俱坐朝堂錄決囚
徒明元大閱東郊行左丞相大蒐於石會山從西巡
先驅討越勒部於鹿那山大破之又詔與長孫嵩等
八人坐止車門左聽理萬機拜天部大人進爵公命
出入乘軺軒備威儀導從太武聽朝政為左輔宋帝
立其國內離阻乃遣斤收河南地假節都督前鋒諸
軍事司空晉兵大將軍行揚州刺史率吳兵將軍公
孫表等南征攻滑臺不拔求濟師帝親南巡次中山
斤自滑臺趣洛陽長驅至虎牢遂平兗豫諸郡還圍
虎牢虎牢潰斤置守宰以撫之自魏初大將行兵唯
長孫嵩拒宋武斤征河南獨給漏刻及十二牙旗太
武時進爵宜城王仍為司空太武征赫連昌斤率義
兵將軍封禮等襲蒲坂斤又西據長城秦雍氐羌皆
來歸附累戰破赫連定定走上邽追至雍不及而還

詔班師斤請因其危平之乃進討安定昌退保平涼斤屯軍安定以糧竭馬死深壘自固監軍侍御史安頡擊昌擒之昌衆復立昌弟定斤恥功不在己乃舍輜重追定於平涼定邀斤前後斤衆潰斤及將娥清劉拔被擒後太武克平涼斤得歸尋拜安東將軍降爵爲公太延初爲衛尉改恒農王後爲萬騎大將軍議伐涼州斤等三十餘人以為不可涼州平以戰功賜僮隸七十戶又賜安車以寵異之斤聰辨強識善

談論遠說先朝故事歷歷不爽聽者歎美之每議大政多見從用朝廷由是稱焉真君九年卒年八十有九太武親臨哀慟謚曰昭王長子他觀襲降公傳國至孫緒無子國除太和中斤配饗廟庭至宣武時以緒弟子監紹其後

長孫肥代人昭成時年十三以選內侍少有雅度果毅少言道武在獨孤及賀蘭部常侍從禦侮左右帝深信之登國初爲大將屢有軍功從平中山以功賜

爵琅邪公遷衛尉卿改爵盧鄉時中山太守仇儒推趙準爲主肥討破準於九門斬仇儒擒準除兖州刺史姚平寇平陽徵爲前鋒平退保柴壁進攻屠之還鎮兖州撫慰河南威信著於淮泗善策謀勇冠諸將前後征討未嘗失敗故每有大難令肥當之南平中原西摧羌寇肥功居多賞賜千計後降爵藍田侯卒諡曰武陪葬金陵

叔孫建代人少以智勇著稱道武幸賀蘭部常從左右

登國初爲外朝大人與安同等十三人迭典庶事參軍國謀隨秦王觚使後燕歷六載乃還累遷中領軍賜爵安平公出爲并州刺史後免明元念前功以爲正直將軍相州刺史饑胡劉武等聚黨假建前號安平公督公孫表等討之斬首萬餘級餘衆奔投沮水水爲不流晉將王仲德逼滑臺兖州刺史尉建遁仲德遂入滑臺詔建渡河曜威斬尉建呼仲德軍人詰其侵境之狀尋遷廣阿鎮將威名甚著久之除使持

節都督前鋒諸軍事楚兵將軍徐州刺史率衆自平

原濟河徇下青兗諸郡遂東入青州圍宋刺史竺蕤

于東陽城宋遣將檀道濟王仲德救蕤建乃還以功

賜爵壽光公與汝陰公長孫道生濟河而南仲德等

東走青州太武以建威名南震為宋所憚除平原鎮

大將封丹陽王加征南大將軍道濟仲德救滑臺建

與汝陰公道生拒擊之建分軍挾戰縱輕騎邀其前

後焚燒穀草以絕其糧道道濟兵饑叛者相繼由是

欽定四庫全書

山西通志
卷一百十五

十三

安頡等得拔滑臺建沈敏多智東西征伐常為謀主

容貌清整雅尚人倫禮賢愛士在平原十餘年綏懷

內外甚得邊稱魏初名將鮮及之南方憚其威畧輒

不為寇太延三年卒年七十三諡曰襄賜葬金陵

尉古真代人道武在賀蘭部賀染干遣侯引乙突等圖

之古真密以馳告染干疑泄其謀以兩車軸押古真

頭傷一目不服乃免後從平中原以功賜爵東川侯

明元初為鴻飛將軍鎮太洛卒於定州刺史子億萬

襲

羅結代人從道武幸賀蘭部賜爵屈蛇侯太武初累遷

侍中外都大官總三十六曹事年一百七歲精爽不

衰太武以其忠慤甚信待之監典後宮出入卧内因

除長秋卿年一百一十詔聽歸老賜大甯東川為私

第別業并為築城號羅侯城朝廷每有大事驛馬詢

焉年一百二十卒諡曰正子斤從討赫連昌力戰有

功歷四部尚書從平涼州賜爵歸方公除長安鎮都

欽定四庫全書

山西通志
卷一百十五

十三

大將蠕蠕侵境除柔元鎮都大將卒諡曰靜陪葬金

陵子敢襲位庫部尚書卒子伊利襲

婁伏連代人忠厚有器量年十三襲父領部落道武初

從破賀蘭部又平中山及征姚平於柴壁以功賜爵

安邑侯明元時為晉兵將軍并州刺史太武即位封

廣陵公再遷光祿勳進爵王後鎮統萬卒諡恭子真

襲降公真弟大拔封鉅鹿子

穆崇代人道武居獨孤部往來奉給時人無及者劉顯

欽定四庫全書

山西通志
卷一百十五

選定碑文建於白登山

賀狄干代人世為將以平當稱稍遷北部大人登國初與長孫嵩為對明於聽察為人愛敬道武遣狄干致馬千匹結婚於姚萇會萇歿興立因止狄干道武遂賜爵襄武侯加秦兵將軍後擒興將狄伯支等興以駿馬千匹贖伯支而遣狄干還道武見其言語衣服類秦以為慕而習之因被害

尉諾代人古真弟以忠謹著從圖中山先登傷一目道

武歎曰諾兄弟並毀目以建功效誠可嘉也賜安樂子從平姚平拜國部大人太武時改邑遼西公卒子歡襲

欽定四庫全書

山西通志
卷一百十五

來援佛嵩稽緩道武命謙為書遺之佛嵩乃倍道兼

行賜謙爵闕內侯及慕容垂卒謙勸進并州平為陽曲護軍賜爵平舒侯卒贈幽州刺史高陽公謚文子洛陽襲為雁門太守進爵北地公卒謚恭

和跋代人世為附臣至跋以才辨知名道武擢為外朝大人參軍國大謀雅有智算賜爵日南公從平中原以功進尚書鎮鄴以破慕容德軍改封定陵與常山王遵討賀蘭部別帥木易干破之出為平原太守跋

好修虛譽道武戒之不革被刑

長孫道生蒿從子忠厚廉謹道武愛其慎重使掌機密與賀毗等四人內侍左右出入詔命明元時除南統將軍冀州刺史太武即位進爵汝陰公遷廷尉卿從征蠕蠕率衆出白黑兩漠間大捷而還從征赫連昌為前驅遂平其國昌弟定走保平涼宋遣到彥之王仲德寇河南以救定詔道生屯河上禦之遂誘宋將檀道濟邀其前後追至歷城而還除司空加侍中進

欽定四庫全書

山西通志

卷一百十五

封上黨王卒年八十二贈太尉諡曰靖道生廉約身為三司而衣不華飾食不魚味一熊皮鄣泥數十年不易時人比之晏嬰第宅卑陋出鎮後子弟頗脩繕道生還歎曰昔霍去病以匈奴未滅無用家為今強寇尚遊魂漠北吾豈可安坐華美也令毀其宅太武世所在著績每建大議多合時機為將有權畧善待士衆帝命歌工歷頌羣臣曰智如崔浩廉如道生與從父嵩俱為三公當世以為榮子旂位少卿早喪

車路頭代人少以忠厚選給東宮為帳下帥天賜末明

元出於外路頭隨侍竭力及即位封宣城公忠意將軍性無害每評獄處理常獻寬恕之議以此見重於朝帝亦敬納之卒明元親臨哀慟贈太保宣城王諡忠正喪禮依安成王叔孫俊故事陪葬金陵子耆襲叔孫俊字醜歸建子少聰明年十五內侍左右性謹密以便弓馬轉獵郎清河之變與元歷磨渾等歸明元時明元左右惟車路頭王洛兒等得俊大悅以為爪牙及即位稍遷衛將軍賜爵安成公朱提王悅懷刀入後覺舉動有異於悅懷中得兩刃匕首執殺之明元以後前後功重要以軍國大計羣官上事先由俊銓校後奏聞性平正柔和未嘗有喜怒色不詔上抑下奉詔宣外告示慇懃上下嘉歎泰常元年卒年二十八明元親臨哀慟贈司空安成王諡孝元賜溫明秘器載以輜輶車衛士導從陪葬金陵子蒲錫爵後有大功及寵幸貴臣竟贈贈送終禮皆依俊故事無

欽定四庫全書

山西通志

卷一百十五

得踰之者俊弟憐襲父爵降丹陽公位尚書令涼州鎮大將與鎮副將奚牧相糾坐誅

長孫翰肥子少有父風以善騎射為獵郎明元在外與元磨渾等潛謀奉迎明元即位拾遺左右以功累遷平南將軍鎮北境威名甚著太武即位封平陽王蠕蠕大檀寇雲中太武親征遣翰出長川討之大檀北遁追擊克獲而還還司徒從襲赫連昌破之翰清正嚴明善撫將士卒太武為之流涕親臨其喪喪禮依

欽定四庫全書

山西通志
卷一百十五

六

安城王叔孫俊故事謚曰威陪葬金陵子成襲降公位南部尚書卒陪葬金陵翰弟陵位駕部尚書性寬厚好學受士封吳郡公贈王謚恭陪葬金陵

薛彪子代人祖達頭歸魏道武賜爵聊城侯侍以上客禮賜妻鄭氏卒贈冀州刺史謚悼父野膳并大二州刺史封河東公有聲稱卒諡簡彪子姿貌壯偉明斷有父風為內行長典奏諸曹事當官正直內外憚之文明太后臨朝出為枋頭鎮將素剛簡近臣嫉之因

小過黜為鎮門士獻文南巡彪子拜訴於路復除枋頭鎮將累遷開府徐州刺史多惠政百姓便之沛郡太守邵安下邳太守張攀贓汙案之於法安等誣彪子南通賊孝文曰此安矣推案果虛卒諡文

周幾代人少以善射為獵郎明元初為左部尚書以軍功封交趾侯太武以幾有智勇遣鎮河南威信著於外境進號宋兵將軍以萬人襲陝城卒於軍軍人歎惜之歸葬謚桓子步襲

欽定四庫全書

山西通志
卷一百十五

七

古弼代人少忠謹善騎射初為獵郎門下奏事以敏正稱明元嘉其直而有用賜名曰筆後改名弼言其有輔佐才也令典西部與劉潔等分館機要數奏百揆太武即位以功拜立節將軍賜爵靈壽侯歷侍中吏部尚書典南部奏事後征馮弘弼酒醉拔刀止部將高苟子擊賊弘得東奔黜為廣夏門卒尋復為侍中與尚書李順使涼州賜爵建興公鎮長安甚有威名及議征涼州弼言不宜行微嫌之以其有將畧弗之責

假節督隴右諸軍討仇池楊保熾平之未幾楊文德復圍仇池弼攻解其圍文德走漢川時東道將皮豹子欲還軍弼使謂曰若其班師寇衆復至後舉為難不出秋冬南寇必來以逸待勞百勝之策也豹子乃止太武聞之曰弼言長策也制有南秦弼謀多矣景穆總攝萬機徵為東宮四輔與宜都王穆壽並參政事遷尚書令弼雖事務殷湊而讀書不輟端謹慎密口不言禁中事其功名等於張黎上谷人上書言苑

欽定四庫全書

卷一百十五

三

園過度宜減大半弼入欲陳奏遇帝與給事中劉樹碁侍坐良久不獲申聞乃起於帝前摔樹頭掣下牀以手搏其耳以拳毆其背曰朝廷不理實爾之罪帝失容放碁曰不聽奏事過在朕樹何罪置之弼具狀以聞帝竒弼公直皆可其奏弼曰為臣逞志於君前非無罪也詣公車免冠徒跣自劾請罪帝召之曰卿具冠履卿有何罪自今以後苟利社稷益國使人者雖復顛沛造次卿為之無顧也太武獵河西弼留守詔

以肥馬給騎人弼命給弱者太武大怒曰犬頭奴敢裁量朕朕還臺先斬此奴弼頭失帝常名之曰筆頭時人呼為筆公屬官懼誅弼曰田獵不過盤遊其罪小不備不虞使我寇恣逸其罪大今北狄孔熾南虜未滅故選肥馬備軍實為不虞之遠慮苟使國家有利吾寧避死乎明主可以理干此自吾罪帝聞而嘆曰有臣如此國之寶也賜衣一襲馬二匹鹿十頭後車駕田山北獲麋鹿數千頭詔尚書發車牛五十乘

欽定四庫全書

卷一百十五

三

運之帝謂從者曰筆公必不與我汝輩不如馬運之速遂還行百餘里而弼表至曰今秋穀懸黃麻菽布野猪鹿竊食鳥雁侵費風波所耗朝夕參倍乞賜矜緩使得收載帝謂左右曰筆公果如朕卜可謂社稷之臣吳王立為司徒文成即位與張黎並坐議不合旨俱免其家告巫蠱俱伏法時人寃之

尉眷代人諾長子忠謹有父風明元時為大官令侍臣奚斤亡入蠕蠕春追至虜庭擒之大檀前由是以驍

烈間太武命分典四部加陳兵將軍文成時拜侍中
太尉封漁陽王錄尚書事文成北巡以寒雪議還春
曰今去都不遠而旋敵必疑我有內難方寒雪宜更
進前不得遽返以啓敵心遂渡漠而還帝以眷元老
賜杖履上殿卒諡曰莊子多侯襲

穆觀字闡拔崇次子襲崇爵少以文藝知名明元中為
左衛將軍綰門下中書出納詔命及訪舊事未嘗有
遺漏尚宜陽公主拜駙馬都尉位太尉太武監國為

欽定四庫全書

山西通志
卷一百十五

三

右弼出則統攝朝政入則應對左右事無巨細皆關
決焉終日怡怡無愠色勞謙善誘不以富貴驕人泰
常八年卒年三十五明元臨喪悲慟賜通身隱起金
飾棺喪禮一依安城王叔孫俊故事贈宜都王諡曰
文成太武每與羣臣談宴未嘗不歎息以為自道武
來佐命勲臣文武兼濟無及之者

丘堆代人美容儀以忠謹入侍明元時拾遺左右遷散
騎常侍太武監國為右弼即位賜爵臨淮公位太僕

略地闕右宜城王奚斤表留堆合軍與赫連昌相拒
斤進擊赫連定堆守輜重斤為定禽堆走長安帝大
怒遣西平公安頡斬之

于什門代人明元時為謁者使喻馮跋至和龍佳外不
入使謂跋曰大魏皇帝有詔須馮主出受然後敢入
跋使人牽逼令入見不拜跋令人案其項什門曰馮
主拜受詔吾自以賓主致敬何須苦見逼也與跋往
復聲氣抗厲不撓跋止什門什門於羣衆中回身背

欽定四庫全書

山西通志
卷一百十五

三

跋披襖後襠以辱之既而拘留衣裳敗壞累盡蟻虱
被體跋遺以衣拒不受歷二十四年後弘上表稱臣
乃送什門歸拜尚書侍御史太武下詔褒美比之蘇
武賜羊千口帛千匹進上大夫策告宗廟班示天下
豆代田代人明元時以善騎射為內細射從攻虎牢登
樓射賊矢不虛發以功遷內三郎從征赫連昌乘勝
追賊入其宮門門閉踰宮而出太武壯之拜勇武將
軍後從破赫連定得奚斤等以定妻賜之詔斤膝行

授酒於代田曰全爾身命者代田功也從討和龍有功封長廣公卒於統萬鎮大將贈王諡恭子周求襲來大千代人文初真官至後將軍武原侯與在八議大千驍果善騎射永興初襲爵位中散朝賀日常著御鎧盤馬殿庭遷內三郎幢將典宿衛禁旅用法嚴明上下齊肅嘗從明元獵見獸在高巖上持稍直前刺之應手而死帝嘉其勇壯太武初為常侍侍衛衛畫夜不離左右累從征伐以戰功賜爵廬陵公鎮雲

欽定四庫全書

山西通志
卷一百十五

中兼統白道軍事巡撫六鎮經略布置甚得事宜後

為吐京都將討平吐京胡卒喪還停於平城南太武出遊還見而問之左右以對帝悼歎良久詔聽其喪入殯城內贈司空謚莊子丘顏襲降晉興侯

賀迷代人太武敬哀皇后之從父也皇后生景穆初后少孤父兄近親惟迷賜爵長鄉子卒贈光祿大夫五

原公

娥清代人少有將畧略著戰功稍遷給事黃門侍郎明

元南巡為中領軍將軍與宋兵將軍周幾等渡河界地至胡陸以功賜爵須昌侯鎮枋頭太武初還進東平公後從平統萬遂與奚斤討赫連昌至安定昌弟定西走斤追之清欲尋水往斤不從遂為定擒克平涼乃得還後與古弼東討馮弘以不急戰黜為門卒卒於家子延賜爵南平公

陸侯代人會祖幹祖引世領部落父突道武初數有戰功位離石鎮將上黨太守關內侯侯少聰慧明元初

欽定四庫全書

山西通志
卷一百十五

襲爵位給事中典選部蘭臺事當官無所撓太武征

赫連昌詔督諸軍鎮以備蠕蠕與安頡攻克虎牢賜爵建鄴公拜冀州刺史考天下第一轉虎牢鎮大將復轉安定鎮大將追討休屠金崖羌狄子玉等皆獲之遷懷荒鎮大將未基諸高車莫弗訖懼侯嚴急請前鎮將郎孤徵侯至京言不過周年孤身必敗高車必畔帝疑不實以公歸第明年諸莫弗果殺孤召侯問其故侯曰夫高車之俗上下無禮臣蒞以威嚴節